

儀禮鄭注

冊四

儀禮卷八

漢大司農北海鄭玄註

明後學東吳葛蘄訂

聘禮第八

聘禮

君與卿圖事

圖謀也。謀聘故及可使者。謀事者必因朝其位。君南面。卿西面。大夫北面。士東面。

遂命使者

遂猶因也。既謀其人。因命之也。聘使卿。○使所吏反下以意推之。聘

使者再拜稽首辭

辭以不敏

君不許乃退

退反位也受命者必進

既圖事戒上介亦如之

既上也介難於使者易於介乃

宰命司馬戒衆介衆介皆逆命不辭

宰上卿貳君事者也諸侯謂司徒爲宰衆介者士也士屬司馬周禮司馬之屬司徒掌作士適四方

使爲介逆猶受也

宰書幣

書聘所用幣多少也宰又掌制國之用

命宰夫官具。

宰夫宰之屬也。命之使衆官具幣及所宜齎。

及期夕幣。

及猶至也。夕幣先行之日。夕陳幣而視之。重聘也。

使者朝服。帥衆介夕。

視其事也。古文帥皆作率。

管人布幕于寢門外。

管猶館也。館人謂掌次舍帷幕者也。布幕以承幣。寢門外朝也。古文管作官。今文布作敷。

官陳幣皮北首西上。加其奉于左皮上。馬則北面奠

幣于其前。

奉所用皮或時用馬主奉以致命謂束帛及玄纁也馬言則者此享

則○乘繩證反

使者北面衆介立于其左東上

也既受行同位

卿大夫在幕東西面北上

者○大夫西面辟使

宰入告具于君君朝服出門左南鄉

許亮反入路門而告○鄉

史讀書展幣

展猶校錄也史幕東西面讀書俱見之也○賈音

嫁後同掌
物價之官

宰執書告備具于君。授使者。使者受書授上介。

史展幣畢以書還授宰。宰既告
備以授使者其受授皆北面。

公揖入。

揖禮
羣臣

官載其幣舍于朝。

待旦
行也

上介視載者。

監其安處之畢乃
出。○監古銜反。

所受書以行。

為當復展。○為于偽反。復扶又反。下以意求之。

厥明賓朝服釋幣于禩。

出告為君使也。賓使者謂之賓尊之也。天子諸侯將出告羣。廟大夫告禩而已。凡釋幣設洗盥如祭。○

廟字古

有司筵几于室中。祝先入。主人從入。主人在右再拜。

祝告又再拜。

更云主人者。廟中之稱也。祝告告以主人將行也。

釋幣制玄纁束奠于几下出。

祝釋之也。凡物十曰束。玄纁之率。玄居三。纁居二。朝貢禮云。純四只制丈八尺。○率音律只音紙。

主人立于戶東。祝立于牖西。

立
少頃之間示
有俟於神

又入取幣降卷幣實于筭埋于西階東

又入者祝也埋幣必盛以器若
藏之然○筭音煩器名盛音成

又釋幣于行

告將行也行者之先其古人之名未聞天子諸侯
有常祀在冬大夫三祀曰門曰行曰厲喪禮有毀
宗躐行出于大門則行神之位
言埋幣可知也今時民春秋祭祀有行神古之遺
乎禮

遂受命

賓須介來乃受命也言
遂者明自是出不復入

上介釋幣亦如之

如其於
禰與行

上介及衆介俟于使者之門外。

俟待也待於門
外東面北上

使者載旌帥以受命于朝。

旌旌旗屬也載之者所以表識其事也周禮曰通
帛爲旌又曰孤卿建旌至於朝門使者北面東上

古文旌皆爲旌
○旌之然反

君朝服南鄉卿大夫西面北上君使卿進使者。

進之者使者謙不
敢必君之終使己

使者入及衆介隨入北面東上君揖使者進之上介

立于其左接聞命。

進之者有命宜相
近也接猶續也

賈人西面坐。啓櫝取圭垂纁。不起而授宰。

賈人在官知物賈者纁所以藉圭也
其或拜則奠于其上。今文纁作纁。

宰執圭屈纁。自公左授使者。

屈纁者。斂之。禮以相變爲
敬也。自公左贊幣之義。

使者受圭。同面垂纁以受命。

同面者。宰就使者北面竝授之。既授之而
君出命矣。凡授受者。授由其右。受由其左。

既述命。同面授上介。

述命者。循君
之言。重失誤。

上介受圭屈纁。出授賈人。衆介不從。

賈人將行者
在門外北面

受享束帛加璧受夫人之聘璋享玄纁束帛加琮皆

如初。

享獻也既聘又獻所以厚恩惠也帛今之璧色繒也夫入亦有聘享者以其與己同體為國小君也

其聘用璋取其半圭也君享用璧夫人用琮天地配合之象也圭璋特達瑞也璧琮有加往德也周

禮曰琮主璋璧琮以類聘
繒自陵反璋壁琮以類聘

遂行舍于郊。

於此脫舍衣服乃即道也曲禮曰
凡為君使已受命君言不宿於家

斂旌。

此行道耳未有
事也斂藏也

若過邦至于竟。使次介假道。束帛將命于朝。曰。請帥奠幣。

至竟而假道。諸侯以國為家。不敢直徑也。將猶奉也。帥猶道也。請道己道。路所當由。○請道之道音導。

下大夫取以入告。出許。遂受幣。

言遂者。明受其幣。非為許故也。容其辭讓。不得命也。○為于偽反。

餼之以其禮。上賓大牢。積唯芻禾。介皆有餼。

凡賜人以牲。生曰餼。餼猶稟也。給也。以其禮者。尊卑有常。差也。常差者。上賓上介。牲用大牢。羣介用少牢。米皆百筥。牲陳于門內之西北面。米設于中庭。上賓上介。致之以束帛。羣介則牽羊焉。上賓有禾十車。芻二十車。禾以秣馬。○積子賜反。少時照反。秣音末。

士帥沒其竟。

盡沒

誓于其竟。賓南面上。介西面。衆介北面。東上。史讀書。

司馬執筴立于其後。

此使次介假道止而誓也。賓南面專威信也。使於衆介之前北面讀書以勅告士衆爲其犯禮暴掠

也。禮君行師從卿行旅從。司馬主軍法者執策示罰。

未入竟壹肆。

謂於所聘之國竟也。肆習也。習聘之威儀重失誤。

爲壇畫階帷其北無宮。

壇土象壇也。帷其北宜有所鄉依也。無宮不壇。土畫外垣也。○壇以垂一反以癸反。

朝服無主。無執也。

不立主人。主人尊也。不敢褻也。徒習其威儀而已。

介皆與北面西上。

入門左之位也。古文與作豫。

習享。士執庭實。

士介也。庭實必執之者。反則有攝張之節。

習夫人之聘。享亦如之。習公事。不習私事。

公事致命者也。

及竟。張旛誓。

及至也。張旛謂使人維在此國也。

乃謁關人。

謁告也。古者竟上爲關。以譏異服識異言。

關人問從者幾人。

欲知聘問且爲有司當共委積之具。○從才用反。積子賜反。

以介對。

伯以所與受命者五介。子對謙也。聘禮上公之使者七介。侯伯之使者五介。子男之使者三介。以其代君交於列國。是以貴之。周禮曰。凡諸侯之卿。其禮各下其君二等。

君使士請事。遂以入竟。

請猶問也。問所爲來之故也。遂以入。因道之。

入竟。斂廬乃展。

復校錄幣重其事
斂旛變於始入

布幕賓朝服立于幕東西面介皆北面東上賈人北

面坐拭圭

拭清也側幕
而坐乃開櫝

遂執展之

持之而
立告在

上介北面視之退復位

言退復位則
視圭進違位

退圭

主璋尊
不陳之

陳皮北首西上。又拭璧展之。會諸其幣。加于左皮上。上介視之退。

會合也。諸於也。古文曰。陳幣北首。

馬則幕南北面奠幣于其前。

前當前幕上。

展夫人之聘享亦如之。賈人告于上介。上介告于賓。

展夫人聘享。上介不視。貶於君也。賈人既拭璋琮南面告於上介。上介於是乃東面以告賓。亦所謂

○放而文之類。放方往反類。

有司展羣幣以告。

羣幣私覲及大夫者有司載幣者自展自告。